

# Biblia alang sa Kabataan motanyag

## Ang Paboritong Anak Nga Nahimong Ulipon



Gisulat ni: Edward Hughes

Gihulagway ni: Byron Unger; Lazarus  
Alastair Paterson

Gipahaom ni: M. Kerr; Sarah S.

Gihubad ni: Mel Lorell Abugho,  
Cheryn Mabano Abugho

Gipagawas sa: Bible for Children  
[www.M1914.org](http://www.M1914.org)

©2024 Bible for Children, Inc.

Pagtugot: Mahimo kang mokopya o mopatik niini  
nga estorya, ayaw lang ibaligya.




Malipayon kaayo si Isaac, Kay ang iyang anak nga si Jacob niabot na sa Balay. Bisan si Esau nag-abiabi sa igsoon nga iyang gisaad kaniadto nga patyon. Apan ang mga anak ni Jacob wala malipay tungod kay si Jose, ang ilang manghod nga lalaki, mao ang paborito sa ilang amahan.




Misamot ang kasuko sa mga igsoon ni Jose sa dihang gisultihan niya sila sa iyang mga damgo. "Ang akong binangan nga mga lugas mitindog ug ang mga binangan sa akong mga igsoon miyukbo sa kadungganan,"

miingon si Joseph. Kini nga damgo nagpasabot nga si Jose mas importante kay sa iyang mga igsoon.



Sa ikaduhang damgo ni Jose, ang adlaw, bulan ug mga bituon miyukbo kaniya. Bisan ang iyang amahan nga si Jacob nasuko kaniya tungod sa pagbutang sa iyang kaugalingon nga labaw sa iyang mga ginikanan ug mga igsoon.




Usa ka adlaw gipadala ni Jacob si Jose ngadto sa uma diin ang iyang mga igsoon nag-atiman sa ilang mga kahayopan. Nakita siya sa iyang mga igsoon nga nagpadulong. "Patyon nato kining maong magdadamgo," nagbagulbol sila. Ug Wala mahibalo si Jose sa kapeligrohan sa iyang atubangan.



Si Reuben, ang kamagulangang igsoon wala mouyon.  
"Kinahanglan dili kita mag-ula ug dugo," Sulit pa  
Reuben. "Tan-awa, ania ang usa ka gahong. Pasagdi  
siya nga mamatay diha!" Apan, Si Ruben nagplano  
diay nga luwason ni Jose  
sa inig kagabii.




Pag-abot ni Jose, gigunitan siya sa iyang mga igsoon, ug gihubo nila ang dekolor nga sinina nga gihimo ni Jacob alang sa iyang pinalabi nga anak. Unya ilang gihulog siya sa makalilisang nga gahong.






Samtang wala si Ruben, usa ka panon sa mga magpapatigayon sakay sa kamelyo ang nagpadulong paingon sa hala-yong Ehipto. "Atong ibaligya si Jose," misinggit si Juda, nga iyang igsoon.




Ug Gibaligya nila si Jose sa kantidad nga baynte ka mga pirasong pilak.



Si Jose Naghilak ug nahadlok, Walay nahimo nga ga-tanaw na lamang sa mga kamelyo nga midala kaniya palayo sa iyang pamilya ug yutang natawahan.





“Mao ba kini ang kupo ni Jose? Nagkadugo kini. Nakita namo kini sa desyerto.” Mao kini Ang gisulti sa mga Mapintason nga mga igsoon ni Jose ngadto sa ilang amahang Jacob aron magtuo siya nga usa ka ihalas nga mananap ang mipatay sa iyang paboritong anak. Gigisi ni Jacob ang iyang mga bisti ug nagbangotan. Walay makahupay kaniya.







Sa Ehipto, lagmit nahadlok ug nag-inusara si Jose. Tingali nangandoy siya nga naa ra siya sa ilang balay. Apan wala siyay kaikyasan. Usa siya ka ulipon sa balay ni Potiphar, usa ka importanteng Ehiptohanon. Nakita ni Potiphar nga si Jose kanunayng nagkugi ug siya kasaligan.



"Maayo ang tanan mong gibuhhat,"  
giingnan ni Potiphar si Jose  
usa ka adlaw niana. "Ang Dios  
nag-uban kanimo. Gusto ko nga  
ikaw ang mahimong Pangulong  
Ulipon, ug ikaw ang magdumala  
sa tanan nakong buluhaton  
ug ikaw mahimong  
agalon sa tanan  
nakong mga  
sulugoon."




Gihatagan sa Dios si Potiphar ug maayong ani ug daghang bahandi tungod kang Jose. Usa na ka importanteng tawo Karon Si Jose, apan misalig ug matinumangonong Gihapon nga ni-alagad sa Diyos si Jose. Apan ang kasamok miabut kang Joseph.



Ang asawa ni Potiphar usa ka daotang babaye.  
Gihangyo niya si Jose nga mo puli sa iyang bana.  
Mibalibad si Joseph. Dili  
niya gusto makasala  
batok sa Diyos pinaagi  
sa pagpakasala kang  
Potiphar.




Sa dihang gipugos siya sa babaye, midagan siya. Apan na nadakpan ug nakuptan sa babaye ang iyang kupo.






"Giatake ako sa imong ulipon," reklamo sa asawa ni Potiphar. "Tan-awa, ania ang iyang kupo!" Nasuko si Potiphar. Aduna siya pag duda nga namakaka ang iyang asawa. Apan gikinihanglan usab nga adunay buhaton si Potiphar bahin sa nahitabo. Unsay man iyang buhaton?



Gipapriso ni Potiphar si Jose.  
Bisan tuod siya inosente.  
Apan si Jose walay mapait  
o masuko nga pagbati kang  
Potiphar, kay nakat-on siya gikan  
sa iyang mga kalisdanan nga bisan  
asa siya, kung iyang pasidunggan  
ang Dios, pasidunggan usab siya  
sa Dios - bisan sa  
bilanggoan.



Ang Paboritong Anak Nga Nahimong Ulipon

Estorya gikan sa Pulong sa Dios, ang Biblia,

makita sa

*Genesis 37, Genesis 39*


"Ang pag-abot sa Imong mga Pulong  
nagahatag og kahayag." Salmo 119:130



# Ang Kataposan



7



60



Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:  
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

